



增廣監本補闕注解安驥集卷第六

古唐洞羊 賈

誠

新添馬七十二惡汗病源歌

甲申制 重校

渾身汗出病源歌第一

渾身汗出數般呼 內有金木水火土 五行運氣人不曾
陰陽汗出有等殊 汗出如油人道死 汗出如漿命却甦
馬有七十二齧汗 斷得生死用功夫

渴汗風病源歌第二

風喉耳下大如毬 出氣吼声汗自流 風喉頰下食槽腫
開喉連下蜜脂油 更用大黃朴硝散 活石大戟共牽牛
都用將來蜜裡下 鑿人會得不須憂

束喉汗出病源歌第三

急須病馬氣束喉 頰頤兩畔汗如油 喉咽合時難出氣
良鑿見了急開喉 大快開時須停分 三停裡面要旋周
三停取時無錯處 會得師皇不外求

腦痛汗出病源歌第四

腦痛汗出熱如湯 得病衝籬更撞牆 衝天鑿透如錢大
新水面上急澆涼 渾身水淋如打顫 砂糖油蜜下三黃
半合料中須急粟 便是先賢白藥方

腦解傷病汗出病源歌第五

腦解傷病汗如漿 得病時時腦爭獐 汗出獐狂如醉狗
開天鑿透檢名方 便將消黃蜜油下 開天穴內水淋忙
更放定魂候脉血 此是師皇立效方

腦渾眼黑汗出病源歌第六

腦黃眼黑汗如漿 得病尋時檢藥方 眼黑腦渾如似醉

精明鑿透便為強 鑿透之時淋新水 從前用度必無傷

風痠汗出病源歌第七

風痠元來汗未休 恪方吹拍頂當頭 汗出當頭風更
鑿人切解用功求 藥用麻黃定風草 防風附子配烏頭
乾竭烏蛇蜈蚣散 酒油同下唯牽牛

熱痲汗出病源歌第八

汗出渾身耳先緊 四脚強硬腹內忍 熱痲行時如風病
鑿家辨認細消詳 頻唯涼藥調油下 新水須得用井泉
六脉抽時立便較 消黃蜜下自然休

項恹汗出病源歌第九

項恹當因汗自流 熱風吹拍是根苗 三齧恹病都一躄
消黃莫忘蜜和油 更針雷問并百會 三委火烙一無憂

單抽汗出病源歌第十

單抽汗病似如油
烈女抽左連腸頭
左廂烈女為津液
右為命門兩骷求
臘後火針深三寸
防風附子配烏頭
菘蓉牽牛和狗脊
葱煎入藥酒唯油

雙抽汗出病源歌第十一

雙抽腎病最難當
毛焦無力汗如漿
抽在冷堂如裡面
腎家腿上兩傍相
火針如前深三寸
瘡中頭大入硫黃
須下七傷依前用
唯時只得入乾姜

熱抽汗出病源歌第十二

熱抽騎來汗自流
道頭裡面便須收
收上道頭陰抽起
都因熱在氣心頭
涼藥解於心臟熱
下元菘蓉配牽牛
飽用消黃蜜裡下
飢來葱酒下烏頭

冷抽汗出病源歌第十三

大腸瀉蕩不曾休
上焦積熱汗如流
下元冷時饒必水

鑿家切要細搜求
飢來只用菜
豉散
全毛狗脊用烏頭

醋煮麵九如鷄子
乾時酒下
收

氣抽汗出病源歌第十四

汗出交簷餓不休
氣抽兩腫不
理頭
抽病五骷做水草
蒼朮樹藥配牽牛
官桂桂心青
皮子
陳皮厚朴共瓜蒌
交當六脉都与放
葱油酒下水
長休

肺牽汗出病源歌第十五

渾身汗出肺家牽
食槽下面硬
如磚
把定牽風行不得
火針肺舉即為先
更放胞堂血
道
七傷麻附用葱煎
白凡熱入冷後嚼
便是師皇許
賢

肺把汗出病源歌第十六

肺把汗出流不休
行時立便不
成
頭
把定轉來獲更立
乘騎筋緊沒來由
下盪暗時頻
好
闔筋針斷不勞憂

止痛嗔時生姜下 便是鑿家茶到頭

肺痛行雞汗出病源第十七

拳脚汗出肺家傷 肺痛行時審細詳 其脰行時饒汗出

精神知慢更為陽 止痛當歸白朮散 芍藥貝母共消黃

更用火針生起膊 葱煎麻附啗強

蝦蟇黃汗出病源第十八

蝦蟇汗出似冬瓜 吐涎綠水似槐花 蝦蟇眼赤行步跳

跳是火烙是鑿家 火烙太陽并口會 烙時不得水淋他

蝦蟇見水重相旺 蛇皮搗碎嗔相和

習麻汗出病源第十九

習麻汗出遍身流 自把身軀口日傷 渾身麻時都咬破

連頭和項擦猪油 擦破眼匡為子藥 入河不住洗淋漿

更須急抽喉床血 喉床擺罷放咽堂

遍身生肉驚汗出病源第二十

汗出渾身肉驚毬 發來擦破血長流 血流黃漿油似血

血似黃漿粉狀油 汗出驚時抽大血 鑿人切忌在心頭

涼藥一匙蜜四兩 不過三服病長休

肺花瘡疥汗出病源第二十一

肝花瘡疥汗出多 心家燥病執米過 瘡疥肺風皮膚熱

脰堂放血洗淋河 更用八味白藥子 白礬二兩細搗羅

麻注煮熟入蜜啗 便是從前聖手摩

虛腫脰臄汗出病源第二十二

虛腫脰臄大如毬 腫氣通身汗自流 虛腫元未執上得

鑿人須記在心頭 脰臄上面碎針破 瘡口立便潤脂油

更用消黃涼藥嗔 從來有病便須休

胞黃腫氣汗出病源第二十三

胞黃腫氣上胞堂 當胞流出汗如漿 針破血水如油色
脚頭不消脚癢狂 眼慢頭低行如醉 鑿人一見便慌忙
先經論定交他死 便是龍馬也無常

丁黃汗出病源第二十四

丁黃汗出腫郎當 行步垂頭行似獐 眼腫行時不見物
四脚移來又似殭 氣阻卧時喘不起 氣熱如同又似湯
觸膈喘時須見死 追風八駿山須亡

火黃汗出病源第二十五

火黃汗出敗舌乾 腸中五臟熱湯煎 汗出火黃湯煎熱
火家見水得除痊 更用消黃金散 苦參甘草配車前
藥末一匙密四兩 方知用鮮小功夫

流着羅網便鑿雞 胞堂血出自除痊

流着羅網便鑿雞 胞堂血出自除痊 移攢四脚似風癱

為緣脉与血通連 五日三朝不治療 移攢四脚似風癱

砂糖油蜜消黃散 胞堂血出自除痊

肉断汗出病源第二十七

肉断當因走不安 汗出渾身似湧泉 本因行急傷於肺
飽時不得急騎煎 飽後騎急多腸斷 育鑿不識這根源
急攞胞堂油蜜啖 行時獐步脚移難

牽肺瘡口痛汗出病源歌第二十八

肺瘡癬未口咽涎 瘡中血水就中先 汗出灼瘡如疥癬
薑配碌凡 射香黃田黃藥散 白芨白欵用焦
猪脂油調擦一上 瘡皮退下一漫雞

急喘汗出病源歌第二十九

急喘汗出春如弓 此病難鑿不異功 汗出急喘難調治
前采死病亦和同 喘時口中白沫出 鑿二十萬一場空

師皇論裡交他死 主人 手搥胸

肝熱風汗出病源歌第三十

汗流吐沫春如弓 五臟腸中不易通 肚脹權腰油汗出
四蹄強硬走東西 鑿人見此如此病 經書檢死和同
鑿着此病無不死 直饒八駿是飛龍

腦頭膿出汗病源歌第三十一

腦頭汗出鼻外膿 膿黃共血似花紅 腥臭黃膿微水出
黃膿滴下似脂油 雖然喫得些麥草 下稍不免命歸空
經書注定交他死 主人年合不亨通

心愈汗出病源歌第三十二

心愈熱燥汗自流 出氣如同似鋸抽 心愈滿喘更肺敗
胸堂大血最為籌 五用消黃涼藥唯 入河杯洗自然休
非愈汗出病源第三十三

肺破汗出病源歌第三十四

汗出渾身喘不休 鑿人切在細搜求 肺喘氣粗并把膊
胸堂大血急須抽 更用入味白藥子 沙糖白蜜配生油
更下白凡粥裡嚼 準時不得忘瓜萎

肺破渾身汗似油 喘粗鼻呷不擡頭 識其此病終難療

夏間不死到初秋 先經論裡交他死 鑿人千萬不迴週

肝爛失魂汗出病源歌第三十五

肝爛失魂汗如漿 行如醉狗便衝牆 肝爛肺真難鑿治
腸斷肚破更死方 交他主人難理會 師人說与定心慌
經書檢及終無效 主人見道哭忙忙
心破肉顫汗出病源第三十六
汗出心破血如漿 眼目惺惺似醉獐 甲齒咬牙涎沫出
明知此病也難當 手按鼻中無煥氣 方知此病沒商量

駿馬命及交他去 定知三日見閻王

內腎傷汗出病源第三十七

內腎傷病汗流洋 耳又搭垂眼沒光 鼻冷卧時擱不起
草料如常喫水漿 傷損腎彭難治療 名醫好手救無方
此馬得時緣日月 下稍不免去無常

腫脹汗出病源第三十八

汗出脾家脹不消 五臟六腑不和調 口黃鼻冷微腫搖
相知此病大難逃 唇又郎當精神慢 垂頭着地不能高
主人見馬如此患 醫家用意莫功勞

頭腫眼腫汗出病源歌第三十九

腫腦汗出眼如桃 微步行來後脚稍 上焦只用消黃散
下元葱酒唯牽牛 上焦太陽多出血 下元出血放脰堂
為報醫人尋方論 會及師皇八駿高

遍連蹄汗出病源歌第四十

四十論盡汗功勞 敢請師皇子細教 先立古人今何在
累生相遇有功勞 遍身七十二點汗 一認得道為高
師皇留下先經義 教人後面識根苗

鬪喉汗出病源歌第四十一

馬患槽結擗鬪喉 出氣如同似鋸抽 氣塞運身饒汗出
食槽裡面似瓜萎 為報醫人抽大血 大血放罷更鬪喉
逐日只唯消黃散 隨時不得忘脂油

心熱汗出病源歌第四十二

汗出渾身數點黃 心家有病熱來傷 足汗熱時涼藥補
蔚金鷄子共商量 甘草只用荷車散 大黃扶子配浦黃
七味將來窰裡下 大血抽罷放脰堂

耳上汗出病源歌第四十三

耳前汗出腎家黃 腎家有病檢名方 汗出如油

師皇檢及却無方

臆上汗出病源歌第四十四

上焦熱時饒汗出 太陽卒擺放交當 臆上汗出是

臆黃連尻尾相傍 尾汗微稍人道夜 編躰如油命必亡

喘息急囉清黃散 帶脉出血是名方 更向尾傍烙一道

乃是師皇治療方

陰腎汗出病源歌第四十五

陰腎汗出是心黃 心黃腎上汗如漿 心連小腸饒顛走

更兼臆汗眼撞狂 急囉消黃洗肝散 入河淋洗更無傷

大血兩針須要出 醫人不在放臆堂

臆上汗出病源第四十六

臆前汗出肺家黃 肺家黃病喘忙忙 汗出臆前如油色

醫人切要細搜方 藥用三黃廿二筒 砂糖白蜜共生姜

一日兩服淋一上 鼻堂放鼻世為強

臆前汗出病源歌第四十七

臆前汗出次心黃 汗出連項癩臆堂 汗出狀如油似血

醫人一見便慌忙 皮肉焦黃須見死 頭垂眼慢死難當

醫人見時休下藥 經書檢及沒名方

渾身汗出病源歌第四十八

渾身汗出似如漿 諸家黃病有評張 五臟熱時涼藥囉

六腑大血放臆堂 一囉消黃淋一上 表裡俱涼急檢方

曉夜計較尋方論 恰似從前許父郎

白汗出瀝蹄病源歌第四十九

白汗瀝蹄不是黃 本因救水急於腸 水咽便是根源本

口中吐水淚汪汪 藥用七傷瓜萎散 五香酒下是明方

皂角燒時騎數重 急行打捧命延長

虛汗出遍身病源歌第五十

虛汗騎來亦是黃 每年少暗失於涼 春秋不撒三江血 何勞臟腑却要滑 草料八分添水草 怎無白汗更流漿

黑汗出如油病源歌第五十一

黑汗渾身便躄流 喊來莫記在心頭 識其此病終難療 早辰得病日西休 主人心中難割捨 須令壁上掛箆頭

鑿人休尋方共論 從他一命及休休

血汗出渾身病源歌第五十二

血汗渾身似似油 一年冬夏及春秋 少暗熱來黃病起 胸掌大血不曾抽 得病便作難治療 主人搥胸哭不休

鑿人見道休生惱 師皇論裡用心求

胞前肺痛汗出病源第五十三

胞堂汗出肺家傷 口白鼻冷喘忙忙 性慢耳垂不喫草

黃連白蜜配沙糖 知母貝母當歸散 揀香白芷共生姜

嗟之三服無痊瘥 必然大命有低昂

腦上汗出病源歌第五十四

腦連頭汗要須知 腦黃熱病本根基 口中吐沫微微汗

衝夫鬢透水淋之 生亦十朝不得餵 半月已裡往乘騎

涼藥一眼淋一上 三江大海放為其 鑿人是須尋方論

便是從前聖手依

傷飽急行汗出病源歌第五十五

傷飽急行汗如漿 頭低耳慢脹如框 七傷葱油滑氣散

猪脂白蜜共三黃 春嗟二服麻子汁 藥末三錢便為強

嗟了牽行三二里 自然病可得如常

水涼肝病汗出病源歌第五十六

汗出渾身水傷時 水傷肝病有差移 水掠肝傷饒吐沫
款步羊行脚到遲 鼻中水糞微微出 主人千萬不乘騎
跨馬乘騎如桂倒 主人怎不淚悲啼

大肚傷汗出病源歌第五十七

汗出渾身大肚傷 鑿人一見便慌忙 卧地任說不肯起
鼻中時時糞水漿 主人休要貪心望 交他命及見閻王
鑿人休道無仙藥 肚破肺黃無保方

心邪汗出怕驚病源歌第五十八

心邪汗出恰似漿 散行心狂去撞墻 魂魄不全生驚
先經論裡檢名方 茯苓定魄珠沙散 人參雄黃共牛黃
帶命定魂多出血 射香薰鼻即如常

定陰汗出風吹著木腎病源歌第五十九

陰汗騎來備風傷 腎家如鉄木 腰將木背腫脹如腫硬

火針刺破是名方 止痛消黃塩醋擦 七傷唯酒為強

嚙用妙塩葱一把 酒煎冷下却如常

熱汗渾身病源歌第六十

熱汗渾身俗風傷 遍身木硬似如殭 渾身汗出粘鞍轡
五臟腸中一似湯 腸中熱著風吹急 藥蔚金共三黃
苦參二消荷車散 僵蚕白附共麻黃 乾蝎烏蛇都為末

漿水油下一片強

陰汗連膈汗出病源歌第六十一

陰上連膈汗如油 後連鴈翅尾尻頭 都是心家并胃熱
胞堂大血不曾抽 上焦只用消黃散 下元良若共牽牛
君臣藥性知生死 端的象中無處求

眼框汗出病源歌第六十二

眼框汗出是肝勞 肝昏眼暗怎生逃 眇泪月青不見物

洗肝群隊合為高 日進二服茶裡下 太陽放血是功勞
後代鑿人依此法 便是王良八駿高

項上耳後汗出病源歌第六十二

項前耳後汗出多 上焦熱病細搜羅 都是心家傳熱病
胞堂大血放為過 血定急嚙消黃散 唯了牽牛淋洗河
一嚙二升麻子汁 臨時莫忘蜜相和

渾身乾腫汗出病源歌第六十四

汗出渾身乾腫速 發米擦破似脂油 擦破脂油腥爛臭
鑿人莫記在心頭 識其此病休治療 夏天不死在初秋
先經論裡知端的 交亡命及死難收

肚底水汗出病源歌第六十五

水汗出來肚底流 鑿八切要細搜求 肚底汗流榮胃熱
燥熱發在五攢頭 便且入肝黃本根始 交當帶脉急須抽

下藥須用消黃散 鑿人端的不勞憂

耳根汗出病源歌第六十六

耳根汗出徹耳稍 鑿人切要用功勞 便是腎家根元本
蠶蚕附子一処熬 蜈蚣麻黃定煩草 烏蛇乾蝎配朴硝
搗羅將來油酒下 鑿人細意認根苗

汗出四蹄病源歌第六十七

四蹄汗出肺之傷 為報鑿人莫謾忙 肺主四肢兼把膊
鑿工立便放胞堂 消黃知母白藥子 貝母樹藥要消黃
牙硝大黃爵金散 將來白蜜下砂糖

肺燥汗出病源歌第六十八

肺燥汗出消詳 膊頭兩畔共胞堂 肺燥汗出如珠露
砂糖白蜜共消黃 百合瓜萎蛤蚧散 桔梗鳩藥配生姜
搗羅將來都為末 右來同下用牛黃

肝黃汗出病源歌第六十九

汗出渾身是肝黃 肝黃得病日無光 口中青色多眵泪

肝家本旺見青陽 五葉生魂通於眼 木家不奈火燒將

藥用洗肝消黃散 二硝蜜下唯三黃

心燥汗出病源歌第七十

燥汗出口生瘡 心家燥病入於腸 熱入於腸饒汗出

火燒將 火家見水為相尅 水火相逢要辨詳

唯時蜜下消黃散 入河淋洗即為強

脾即愈汗出病源歌第七十一

汗出脾愈口色黃 褰鼻直上笑忙忙 汗出脾黃多喫土

青皮陳皮共生姜 檳郎肉桂并豆蔻 桂心二硝配三黃

都用將來白蜜下 併唯三眼自安康

心燥腎愈汗出病源歌七十二

汗出心愈腎家愈 醫人切要用功夫 針難醫者灸一道

當歸芍藥用柴使 桂心厚朴并肉桂 青皮陳皮共桑采

搗羅將來葱酒下 唯之三服躡重甦

七十二汗歌終

○治一十六般蹄頭痛

乾漏痛第一

蹄生乾漏本因風 血脉衰時不交關 若被敗泥填塞滿
行時竟痛步移慵 利刀割開多惡斃 藥攻火烙錐蹄中
免教筋骨時多病 依法行時自有功

濕漏痛第二

痛極無過濕漏時 只因毒氣注於蹄 不經旬日成膿後
遂致踉蹄後步遲 此病常人多不識 切須詳審使良醫
消開除却蹄中毒 立交奔走疾如飛

蹄胎痛第三

蹄胎疼痛不尋常 只因出血被針傷 世人不解蹄中痛
到處求醫更檢方 此病若還全不療 前程中路實難防
且下藥法勤勤理 除却根源命自長

壁掌痛第四

血注蹄頭壁掌酸 一回牽動似刀割 直須掌內淋漿洗
用藥塗瘡莫小者 若見肯醫休着見 恐將心肺亂猜傳
更宜子細分明驗 此法無過貼便安

護子痛第五

熱生六腑掌中乾 入轡驚狂不自安 不是駿駒心性劣
却因騎動滿蹄酸 利刀割的浮皮破 藥潤能乘千里鞍
從此便同馴善馬 世人不信但騎者

士旋痛第六

良驥蹄中多士旋 驟行愛灑痛難任 行時正值途中暑
為過山溪入水深 冷熱不勻生旋裂 藥填火烙錐蹄心
不經旬日生新甲 削見依元喜自生

穿漏痛第七

馬患穿漏大忌空 內無毒血亦無膿 痛多即漸傷筋脉
鎮日無毒卧廐中 但用靈膏塗敷上 別生新甲見其功
更將黃藥頻頻擦 退下元初日一重

蹄薄痛第八

本是生駒形不痊 四蹄輕薄痛無偏 只因胎氣生時怯
走驟惟憂踏硬田 馳騁若從沙磧過 筭來騎也不如牽
不須過削常教長 任使他人笑不圓

水蹄痛第九

良驥無柰水蹄痛 踏濕沾泥軟似綿 硬地驟時連腕腫
沙石行處似刀碗 但將人髮為灰末 黃蠟松脂一處煎
淨洗四蹄塗此藥 任教騎壓過山川

蹄裂痛第十

玄由有天然性格高 不甘群類共同槽 幾回跳擲因傷甲

數度咆哮痛自遭 逆損四蹄如此狀 宜塗止痛潤蹄膏

若還連掌兼蹄痛 針烙_{各口}時用藥消

蹄隱痛第十一

馬因過水踐途泥 沙石因而隱在蹄 自後入深人不見
却於諸處覓良醫 但將尖物輕挑出 挑出之時用藥弥
從此不疼須記自 再經沙石請防之

蹄口痛第十二

駿驥時時掌內疼 只因多立少人乘 乍傷筋脉行長路
血注蹄中出未能 擊掌兩邊針一刺 更將黃藥傳三層
腫毒自消能健步 峻嶺高山自在行

疼蹄痛第十三

四蹄風盛注成斑 踏雪名高血污殘 連腕腫時無柰痛
此蹄疼處去何難 先針出血後塗藥 不過旬朝好更安

退尺白痴重淨洗 縱行千里豈為難

掌爛痛第十四

掌爛疼時亦可憂 凝血蹄中不放流 雖是一般輕可病
常人爭會辨因由 本因踏硬連胎損 烙鉄鑿之疾便瘳
今後分明須記取 免於藥內亂搜求

子骨痛第十五

子骨連蹄痛徹心 愚人不曉怎生尋 只因險徑曾經失
骨縫開時敗血侵 微燒烙鉄輕輕熨 蹄門出血莫令深
仍將妙藥依方使 痛去如拈直萬金

掌蹄痛第十六

馬因行遠太難加 更被人騎過浪沙 撇着掌蹄連蹄痛
十朝半月尚頑麻 其中毒血雖然出 藥裏無效定不差
即便依元筋骨健 措揚高術滿城誇

雜論

十八大病

心肺壅極 攻成腎 百脉閉塞 欲作心黃

血瘀不通 多成黑汗 風挺四肢 入脊為疔

胞轉不正 腸必入陰 咳逆喘急 變成瘡

傷料過度 變作腸黃 盛飢餒急 多作後結

飽後失水 遂成前結 曾吃消石 多患木腎

頻頻錯喉 水穀自併 跑地覲腹 腸中必痛

熱成喘粗 肝肺氣塞 傷肥肉重 變作腰腿

胞膈熱毒 額中發瘡 又濕飲濁 膀胱積水

臟冷氣虛 腸鳴如雷 又伏積熱 腦黃病起

五勞

五勞謂筋勞骨勞皮勞氣勞血勞也筋勞者因久步得之其狀

終日驅馳放而不驟者是也其為病則發於蹄痛凌氣於蹄間其痛也其病也昔勞者因久立得之其伏雖驟而不時起者痛也是也其為病則發癰腫皮勞者因久汗不乾得之其伏雖驟起而不振毛者是也其為病俠脊摩之熱也氣勞者因汗未息乘燥而飼飲得過其狀雖振毛而不即噴氣者是也其為病苦氣不宣通故須繫之捩上遠餵草乃實也血勞者因驅馳無時得之其狀雖噴氣而不即溺者是也其為病則發強行高擊之不得飲餵少時乃大溺

七傷

七傷謂寒傷熱傷水傷飢傷飽傷肥傷走傷逸傷者因冷月飲宿水繫寒飢得之其病令馬毛焦受塵是也熱傷者因暑月乘騎渴多不時飲得之其病令馬煩燥悶亂是也水傷者因騎回便飲水停滯不散得之其病令馬水結腸胃積聚成病是

也飢傷者因馬盛飢更令大走喘息未定卒然飲餵得之其病令馬心脾氣結草料不消是也飽傷者因飽乘騎而便飲餵吃草大猛得之其病令馬腸胃積聚發行遲澁是也肥傷者因馬臆大力行得之走傷者因馬急走太過得之二者皆令馬肉斷脂消氣不續也

口色形狀無病即四季口色宿紅

春季口中青者病在肝難治也若變黑者可治謂水生木也變白者不可治謂金尅木也夏季口中赤者病在心難治也若變青者即可治謂木生火也變黑者不可治謂水尅火也秋季口中白者病在肺難治也若變黃者可治謂土生金也變赤者不可治謂火尅金也冬季口中黑者病在腎難治也若變白者即可治謂金生水也變黃者不可治謂土尅水也四季下旬口中黃者病在脾若變赤者即可治謂火生上也變青者不可治謂

木尅土也

人雜病歌

膿腿風

七歲已下受應時 傷肥肉重少乘騎 騎來帶汗卸鞍速
膿腿之風本此基 肚大頭高脂滿背 消石寒水一斤脂

邪氣衝肝病

邪氣衝肝不等閑 眼睛似睡數多般 四蹄不收忽地倒
就中此病救應難 藥用消黃漿水嚙 頭髮燒灰更用礬

隨黃病

尿潴難縮髓為黃 冷風侵處腎家傷 對衆人前牽不動
須憑鑿獸有神方 蜈蚣一條并蛇貼 紫蘇三莖入大黃
用藥相度牢繫累 不須兩上即安康

心肺熱傷病

心熱傷心多錯喉 時時膿血兩行流 甘草芒消黃蘗藥
大黃梔子入瓜萎 新水小便臨時用 馬勃同調病自收

肺毒病

肺毒執急氣相交 鼻中噴水便滔滔 此病本從心肺熱
二門雙母紫蘇消 參苓山藥甘荷葉 白藥瓜萎秦地元
醋飯半升同藥嚼 患如霜雪用湯澆

損肺喘粗久不差

損肺厭厭患不休 喘粗鼻咋事堪憂 水草細時兼起卧
漸加憔悴四肢抽 但用姜蕤群隊散 二十四味蜜和揉

胡骨把勝病

胡骨把勝腎家抽 鑿工見後必須愁 縱然得教延時月
百匹之中無一留 外乘重點痛

外乘重點辨別難 初行即點未能安 熱徹有似拈了痛
不行便却復依然 些小乘騎猶自可 行及十里汗流連
五花穴內須放血 開卧三朝病自安

傳肝死相病 忽然眼腫便頭低 夯脊拖腰脚倒移 傳到肝時須是死
為人難曉便難醫 結馬久不差

喘粗肉顫少精神 脚散難牽救莫因 更若舌青卧
里行十五命難存

馬母孕病 駒胞瀉濁最難醫 弩燕起卧攢四蹄 腹脹本因子有病
胎偏痛悶澁淋尿 菜汁生油搽手內 穿腸安祥與理醫
駒活宜唯安胎藥 駒亡水道取胞衣 速用補益當歸散

碎惡更使酒調之 唯了藥時緩緩喂 冷水三朝忌要知
騫駒牧養法

禮記月令曰季春之月乃合累牛騰馬遊壯于牧 累騰皆乘也
合則就牧之壯以合之也 仲夏之月遊壯別群 壯則繫騰
駒 壯氣有仲冬之月牛馬畜獸有放逸者取之不詰 壯居
禮日蓋冬之月命農 餵有三芻 一曰惡芻 二曰中芻 三曰善芻
善謂飽時 惡謂飽時 中謂飽時 惡謂飽時 中謂飽時 善謂飽時
草積聚取馬牛 餵有三芻 一曰惡芻 二曰中芻 三曰善芻
馬肥不啞 飲有三時 一曰胡飲 少之二曰晝飲 則酌其中 三曰
暮飲 極之 斯言曰 夏干冬寒 皆當飲 飲則酌其中 三曰
亦於黃自別 然一也 不須除地 非直飲 食多置 性舒 對及
開也 餵父馬 令不實 法之 直情 於通地 並雪 寒勿 令
硬實 而對 寒苦也 凡 養馬 冬煖屋 夏涼棚 頭平繫 行相離 稀

闊槽道潔淨揀擇新草節餵粟豆若熟料用新水浸潤放冷方可
飼之其飲馬水切忌宿水凍料陳草砂石灰土線絲諸雜毛
髮食之即瘦瘁生病或以塩水飲者勿勿多則損其腰腹以成
腎冷腎冷即惟宜新水以時飲之遇夜不飲冬月飲訖便須牽
行即無傷後失仍日看其糞溺若溺清糞慢即無病矣
凡槽忌以猪槽及用石灰洗飾馬有汗繫於衝門此三者皆令
馬落駒常繫猴於
碎惡消百
凡乘習一日行二日驅三日驟四日馳五日奔終而復始千里
無病遠來有汗擡行喘定汗息去鞍即時放驟繫於迎風勿近
舍簷移時方餵
凡新馬能食而瘦者為有嘉釀每煮豆二斗用不銹皂角三挺
貫衆一兩火麻子一合同煮料候熟去了皂角貫衆如常法喂
之虫出蒸應即止

凡牧放春月諸群趁茂草劫騰同收牧放至氣候極暄即各歸
棚遇盛熱大暑於辰時上棚迎風繫行打首着嫩草貼餵至晚
涼下棚如雲陰及氣涼更不上棚凡值大風雨即時上棚若遇
雪寒苦冷即入煖棚應上棚以白草芟草依時餵抹即當早午
晚三時飲水如大暑熱度量加飲數每遇飲馬就便看驗有無
病患交點疋數每三日一次專上棚擊行作輪次瓜洗口鼻眼
目肯膊令獸鑿遍着口色有病者唯嚼甚者別槽鑿治逐群每
番輪兵士四人當番隨群照管不住往來揆撓撓撥驅喝無致
群聚立卧務要透風以免承菴生病若冬寒雪壓草苗不可牧
放即歸監

新刊增注安輿集卷六



